

## أغنية المنسوجات التونسية

أوتاري وعودي الصوف والسدايا  
صوته صادي  
يزهى دليلى ونبغ المرادي  
نخبر ريدي  
جبة مقردش والحرام جريدي  
والزربية  
في كل بقعة خذات شهرة قوية  
بصوف بلادك  
ارجع لاصلك كون مثل اجدادك  
قل للغافل  
انتاج الجريد وخير وان وساحل  
وصوت الخلال قسايدي وغنايا  
من صنعتو نكسي اولاد بلادي  
ويهون عندي في العمل شقيا  
عن اللباس اللي صنعتو بيدي  
وبرنوص يضوي في مثيل مرايا  
من صنع طفله حاذقة قروية  
باتقانها وصلت الأعلى غيا  
تلبس وتكسي عيلتك واولادك  
يخلف على الانتاج والسدايا  
الوقتاش من سلعة بلادك جافل  
ومنسوج قصر هلال فيه كافيا

أحمد خيرالدين